

**AUGUSTINI BUCCII**  
**... AD SIXTUM**  
**QUINTUM PONT.**  
**MAX. ORATIO, IN**  
**PUBLICO...**

---

Agostino Bucci



AMPLISSIMO S. R. E. CARDINALI  
ALEXANDRO PERETTO  
SIXTI V. PONT. MAX.  
NEPOTI ILLVSTRISMO  
AVGVSTINVS BVCCIVS S. D.



**Q**UATIONEM nostram Illustrissime, & amplissime Cardinalis, ad Sixtum V. Pont. Max. auunculum tuum Caroli Em. Sab. Ducis nomine habitam, vt tibi nominatim inscriberemus, non tam aliorum exemplum monuit, quam rationes alia impulerunt. Cum enim tanti Pontificis, tibi-  
que sanguine adeo coniuncti, studia, mores, virtutes, resque primis huius Pontificatus temporibus gesta; quarum gloria in te summa spei Adolescente Cardinali facta, tamquam in speculo hereditario iure resulget, in ea attingantur, nemini magis, quam tibi fuit hac, quamuis brevis earum commemoratio dedicanda. Accedit singularis Ducis nostri in eundem summum Pont. eadem ipsa oratione testata obseruantia: qua ad te non solū tamquam dignissimum tanti Pontificis nepotem, sed & veluti studiosissimum eiusdem imitorem iure optimo spectare videtur. Quamobrem cum ipsam, licet a te in publico iam Consistorio auditam orationē libenter ideo dicauimus, vt ea denuo per ocium perlecta, nō modo optimi Pont. diuinas virtutes sepius admirans, Io. Angelo Papio viro optimo & eruditissimo tuorū Studiorū auspice, & duce ad earum imitationē accēdaris; verum etiam Principis nostri ab auunculo in nepotem, totamque Illustrissimam Perettam familiam, derivatam obseruantiam, & Studium assidue agnoscas; tantarumque laudum a summis Principibus viris profecta testimonia in vnum volumē colligas; eaque veluti perpetua, maiorum tuorum monumenta, vel potius incitamenta, ad perpetuam rei memoriam reponas. Vale.

QVOD



**Q**UOD occulto, Dei immortalis consilio, contingere plerumque solet, (Sanctissime, & Beatus. Pater) ut scilicet secundis in rebus, non unus modo prosper, & salutaris euentus hominibus accidat; sed potius accessione, ac veluti cumulo facto alter alteri superueniat; id superiori anno Carolus Emmanuel excelsus Sab. Dux in seipso fuit felici numine expertus. Cum enim post eius cum Catharina Philippi Hispaniarum, Indiarum, nouisque Orbis Regis omnium memoria maximi & potentissimi filia celebratas nuptias in magno Procere, populorumque plausu faretur; ad summam eius letitiam, quam ex optimi Regis, totisque Regis sobolis consuetudine capiebat, magnus quidam de tuo Pontificatu nuntio accepto gaudij cumulus accessit. Atque is eo gravior, & acceptior fuit: quo ex tua hac plane celesti assumptione non suis modo priuatis commodis; sed & vniuersę Christianę Reipub. vtilitati recte consultum esse intellexit. Quod accipias velim (P. sanctissime) non tanquam communi quadam eorum, qui summis pontificibus gratulantur, loquendi consuetudine dictum, sed tanquam ex animo, ac re ipsa ita dicente pronuntiatum. Nam & insolita illa popularis hilaritas, quam primo nuntio accepto, vniuersus Christianus orbis publici veluti expectati boni augurium faciens ostendit, & causę pręterea multę & maximę, quibus magna de te expectatio coniecitaretur, id significare, vel potius pręmonstrare videbantur. Quas quamuis notissimas ipso tamen orationis cursu ita exposcente, priori eius parte attingere quoque pacto cogor. paucis que aperire, quam necessaria fuerit, tua hæc in summum Pontificem creatio, quam benemerita, ac demum quam læta, prosperaque, omnia te Pontifice sunt speranda. Quibus breuiter commemoratis, eas, que ad excelsum Principem nostrum spectant, rationes exponam, officia; pro solum huius legationis præcipua. In quo officio præstando si aliquid de tuis maximis excellentissimisque; virtutibus attingens singularem tuam modestiam offendero, ignoscat quęso Sanctitas tua; ingenio audientiori, rerum dicendarum copia, & magnitudine capto. Vt enim abscondi nequit ciuitas supra montem posita: Ita neque tantarum virtutum splendor per te ex sublimi hac Apostolica sede, tanquam præcelso monte nobis ad bene scire; & viuendum præfulgens, neque silentio præteriri potuit, neque verò omitti ad nostram institutionem, & exemplum debuit. Cuius muneris in hunc usque diem explendi dilatio, præterquam, quod in varios rerum, nec cogitatos euentus referri debet, & id præterea commodi attulit; ut eo etiam Carolus Emmanuel Dux noster non suam modo obedientiam ac legatione deferat, sed & simul interim nati Principis præcoci ex educatione domestica in sacram hanc sedem pietatem & cultum polliceatur; atque item Sanctitati vestrę non tam de summo Pontificatu, quam quod eum magna cum laude, & dignitate sustineat; duplici nomine gratuletur. Vt verò ad tuę huius in summum Pontificem assumptionis necessitatem indicidam aggrediamur, qualis nam fuerit, ac vnu etiam sit Christianę Reipub. status explorare, describereque oportet. Quę admodum enim non antea morbis remedia adhiberi solent, quam ægotantis, morbiq; natura inspicitur. Ita non aliunde tuę huius creationis opportunitas commodius iudicari potest, quam Christianę Reipub. statu descripto, quibusque; vndique vrgeretur incommodis, ad memoriam reuocatis.

Nostrorum temporum conditio (Sicte Pontifex Maxime) si præteriti rerum exitus præsensque; status spectentur, pro regionum & locorum varietate multiplex, & varia, mitamque; mali, bonique; speciem præferens videbitur. Vt enim de religione primum dicamus, Christianorum nomen, quod antea diuino fluente numine in omnes orbis terrarum partes longe lateque; diffusum penetrauerat; nunc per Christianorum Principum discordias, & bella ab inhumanissimo Orientali Tyranno in hunc Europę angulum redactum, licet auctoritate augustissimum, imperio tamen & ditione angustissimum est reditum. Atque vtinam, quædam ex ijs, quę opibus, robore, virtuteque; præstantes Prouincię


*X*  
sunt, quarumque armis innumera olim Saracenorum millia cecidere, magna que Asia  
pars domita, debellataque fuit, non etiam intestine bellis, religionisque factionibus  
premerentur. His malis grauissima Penuriz calamitas accesserat: quę multas, maxi-  
masque Italiz ciuitates, ac præsertim urbem Romam summo opere conflabat. Sed &  
nobilissimę Italiz regiones, Picenum Vmbria, Agerque Romanus in mo tota prope  
Italia, varijs exulim incurfionibus, audacissimorumque hominum egibus & rapinis tur-  
babatur, adeo vt nemini per eam tutus pateret aditus: sed potius omnia eorum licen-  
tiz, & libidini viderentur exposita, nihilque magis in hominum ore esset, quã exules,  
aut sicarios insignem aliquam eadem aut vim, aut aliud huiusmodi perpetrare. Cum  
talis esset religionis rerumque, nostrarum status, quale tunc temporis fuerit Tyrannicũ  
illud Turcarum imperium Christiani nominis æmulum, videamus. Graue iam dudũ,  
periculosumque bellum ab Amurathe Turcarum rege, cui nihil magis cordi esse so-  
let quã exteris, aut finitimis assiduis incurfionibus, & populationibus infestare, ad-  
uersus Persarum Imperatorem susceptum, gestumque fuit. In quo post multas vtrin-  
que clades acceptas cõ deuentum est, vt Turca, qui veteri antea Tartarorum amicitia,  
& copijs fretus, maiorum suorum victorijs clarus, opibus, pecunijs commatibusque  
abundans, ducentena auxiliariorum millia ad nutum cogere consueuerat, nunc inter  
eum, & Tartaros dissidentia oborta tanto præsidio destitutus, torque calamitatibus  
acceptis, veteranorumque legionibus amisissis debilitatus, & fractus, gloriosque à no-  
stris superioribus vnus ad Echinas obstruere naualis victorię memor, Christianorum  
Principum conspirationem, armaque tacite formidet. Hęc cum ita in Europa atque  
Asia atque omnino in Occidentali, Orientalique imperio inter Christianos, Per-  
sasque & Turcas, labente Turcarum fortuna proxime gererentur, in nouo etiam voca-  
to orbe remotissimisque, atque ab eo penitus diuisis insulis Christiana fides miris in-  
crementis promoueretur: nonnullique Reges ab impio Idolorum cultu ad veri lumi-  
nis claritatem perducti obedientię officium per legatos præstitissent, Gregorij XIII.  
mors improuita superuenit. Quo circa rebus nostris, ita inter spem & metum positis  
dum rogatis pro nouo Pontifice deligendo Cardinalium comitijs pia vota, & prece-  
ad Deum fierent, prudentum sermonibus & indagatione exquiri de more cõpit: quę  
nam ex tot lectissimis patribus in ea temporũ, rerumque agendarum occasione in sũ-  
mum: Pontif. eligi expediret. In quo iudicio ferendo, vt inhumanis consultationibus  
ex fine primum recte constituto, media artificiose serie inueniuntur ad eum adipiscen-  
dum idonea: Non secus in optata Pontificis electione: omnes vno veluti veritatis spi-  
ritu afflati in id maxime consensere; cum scilicet Pont. eligi oportere: qui vt turbu-  
lentas hæresum procellas sedaret. Religionis, pietatisque studio primum & maxime te-  
nereur; vt Principum lites, dissidiaque cõponeret, ijs omnibus gratus, neminiq; suspe-  
ctus foret, vt exulibus, & sicarijs, Italiã expurgaret, esset in puniendis acinotibus seu-  
rior; vt pestis, penurique; imminetibus calamitatibus occurreret, pietate in Deũ, sedulita-  
teque erga homines valeret: ac tãdẽ, vt tã pulchrã rerũ Turcarũ attendarũ, aut vero  
omnino etiã abolendam occasione, renouato inter Christianos principes pio sedere  
arriperet, privatarũ rerũ studijs pollihabitis, omnes eius curas opes conatusque; & studia  
in vnus Dei cultũ, religionisque decus & amplitudinẽ conferret. Quz omnia si quis  
accurate ad tui normam & exemplum expendit: ita in te vnũ consensisse animad-  
uertet, vt nemo amplius in posterum mirari debeat, te communi quadam omnium  
ordinum acclamatione; ne dicam diuinatione, vel primo ipso in conclave ingressu; tan-  
toque actum repentino summorum omnium Cardinalium consensu Pontificem ma-  
ximum fuisse renuntiarũ. Vt enim à tũ ante adz vitæ ratione auspicemur, tu in  
D. Francisci familiam, sanctitate, pietate, doctrinaque nobilissimam adscitus, in eaque  
educatus, ita humanam Philosophiam cum diuina sapientia coniunxisti, vt docentis,  
disputantisque partes in celeberrimis tui ordinis Gymnasijs magna cum laude susti-  
neris: diuinum euangelicum verbum in amplissimis Italiz ciuitatibus non minori po-  
pulorum

*X*

pulorum fructu, quā plausu prædicaueris, ordinis tui sacri officia & magistratus summa constantia & integritate gesseris. ac tandem ad sacræ inquisitionis officium supremæque tui ordinis præfecturâ, Pij V. optimi olim Pont. atque in pernoscendis, ponderandisq; hominum ingenijs acerrimi censoris iudicio fueris vltro sponteque vocatus. In quibus omnibus muneribus alijsque maximi momenti negotijs, cum is idem summus Pont. singularem in rebus gerendis prudentiam, fidem evimiam, vitæ integritatem, constantiamque, quibus ille virtutibus ad Pontificatum peruenerat in te ipso recognouisset; te eadem vestigia secutum in supremum huius orbis terrarum senatum merito adscinerat: atque ita adsciuerat, vt quemadmodum Gregorius XIII. a Pio Quarto Cardinalis factus, ei Pio V. interposito in Pontificatu successerat: Ita & tu à diuini genij pontifice simul & cardinalis fieret, & ei in Pontificatu successor alterno seruato ordine designareris. Munera verò, quæ primis ipsis Pontificatus temporibus expectabantur, ita iam à S. T. præstita, ac multa concepta, adumbrataque cernuntur, vt prudenti cuique fassir, ex ijs, tamquam primis lineis ductis, atque ex Sixti, & Nicolai Quarti, Iulijque secundi summorum olim Pontificum imaginibus, quos tibi maxime imitandos proposuisti, qualem mente geras Pontificatus speciem, ac quàm alta cõsilia animo verses, consijcere, aut diuinare. Vt enim missa faciamus excelsi tui animi indicia, quæ Cardinalatus temporibus dedisti, præsertim vero egregij operis sepulchrum, Nicolao Quarto magna pietate extructum, villæque tuæ, vel potius ad pias meditationes secessus fabricam, adeo magnifice inchoatam, vt ceterior esse videris eadem paullo post te Pont. magnificentissimo cultu fore absoluendam; tu statim atque olium conscendisti, exuscitata bellorum incendia litteris, legationibus, officijs magna ex parte compressisti, Principum gratiam, atque animos tibi varijs officijs conciliasti, turbatas exulum & grassatorum incursionibus, vias non coactis, sed dimissis militum copijs, non Principum auxilijs, non bellico apparatu: sed vnico seuerioris censuræ diplomate dato ab illorum inguria vindicasti; magna parsimonia magnam pecuniarum vim in ærarium ad Ecclesiæ vsus retulisti, optimos Cardinales ad Reipub. gubernacula reuocasti, nonnõ caritatem tunc præsentem leuasti, imminentem repulisti; maioraque in dies moliens magnam quãdam de tuo hoc Pontificatu, quam nunc præclare sustines, expectationem commouisti. Hinc tibi ob illustria in Remp. merita S. C. statuta in Capitolio decreta sunt, in cuius locata basi maximis litteris incilum elogium legitur, quod cum res præcipuas à te gestas complectatur dignum visum est, quod in hoc augustissimo circitu recitaretur. SIXTO V. PONT. MAX. OB QVITEM PVBLICAM COMPRESSA SICARIOVRVM EXVLVMQ. LICENTIA RESTITVTAM; ANNONÆ INOPIAM SVBLEVATAM; VRBEM ÆDIFICIIS, VIIS, AQVÆ DVCTV L VSTRATAM, S. P. Q. R. Dies me antea, lateraque deficient (Pater sanctissime) quàm quod Sanctitatis Tux laudes, illustratque facta: quæ mihi inter decemum occurrunt vltro recenscam, aut vero quantam de te hominibus spem inieceris expqam. Quapropter non est mirandum si te tali, tantoque Pont. facto Carolus Em. Princeps noster incredibili fuerit gaudio perfrusus, vt potes, qui præter eas, quas diximus ætate casus, quæ ei cum reliquis Christianis Principibus communes fuere, alias qbque ad priuatas eius, rationes pertinentes habuit: quibus non mediocriter commoeretur. Sciebat enim se, vt paterni Regni, ita & veteris obseruantix, qua parens olim fuitus Em. Philibertus Sanctitatem V. colebat, ab eaque peramanter, per officio seque, ligebatur, hæredem fuisse institutum. Ad suam vero hanc hæreditariam propensio, in proprijs quoque in eam cultus accedebat, quo eam ipsam honorificentissima virtutis meritumque exstimatione prosequeretur. Atque pium huic eius, debitumqu affectum auxit, vel potius nouo obligationis vinculo obstrinxit illustris illa tua declaratio, qua eundem Principem imperatorij gladij, pileique Margaritæ, sàæque colubæ specie insignis, Coniugem vero suam aureæ rosæ muneribus, illis quidem

quidem defensionis, victoriq; aduersus Catholicæ fidei hostes, hoc verò lætitiæ in mil-  
litanæ triumphantiq; Christi Ecclesiæ symbolis, & auspicijs liberalissime donati; po-  
pulosq; suos ad diuinum nomen grassante in Eporedia peste precibus, & deuotione pla-  
candum apertis sacri sublimi thesauris vehementer excitati. Sed ijs propensius sui in eâ  
animi testimonijs, vna quædam omnibus Pontificibus, communis obseruantie ratio  
accedit, ex maiorum suorum imitatione ducta. Nam Emmanuelle Philiberto, Marga-  
reta; à Francia optimis, sacræq; huius sedis obseruantissimis parentibus ortus, per  
Beroldum Saxonem primum Sabaudia Principem ab Otonibus de Catholica Ecce-  
lesia optime meritis Cæsaribus, perpetua quadam, nullaque vnquam impunitatis labe  
asperisa, sanguinis serie & successione, originè repetit suam. Quin & affinitatum ratio-  
ne, per multiplices cum summis Christianis Reipub. Regibus, & imperatoribus; quorū  
gloriosiores tituli à Catholica religionis cultu profecti fuere, repetitis matrimonio-  
rum coninnctiones; ac per eam qua nuper Catharina Philippus nata, Henrici; ex Eli-  
sabetha filia, Neptè in vxorem ducta, se denuo cum duobus summis illis Regibus affi-  
nitate deunxit, Catholicis vndique & Christianissimis titulis & exemplis siue inuita-  
tus, siue incitatus, non potest à maiorum suorum fide transmissa pietate degenerare.  
Diccrem & de Sabaudien. Principum egregijs in summos Pontifices, vniuersamq;  
Dei Ecclesiæ meritis. Dicerem, & de eiusdè Principis, Regisq; Coniugis suæ excellētis  
in Deū pietate, in homines beneficentia, liberalitate, clemētia, rerumq; per clarissimam  
vniuersam obeūdarū desiderio, nisi huic meo iusto erga eos officio singularis illorū verecun-  
dia reclamaret; quæ eiusmodi est, vt eos nulla de re alia, quā de optima vultate, hono-  
rificētissimāq; virtutis expectatione laudari patiatur. Quapropter à Principi nostrorū  
personis ad illorū Prouincias orationem trāsferes, pauca quædam de ijs, huic loco non  
inopportuna subiiciā. Toti Principis nostri ditio (P. Sanctissime) in tres partes diuidi  
commodi potest, in Transalpinā, quæ vltra Alpes Italiā à Gallia diuidentes ab occasu,  
Sabaudos, & Sebastianos, Brisighenses nunc dictos; aliosq; Populos iuxta Rhodanū, ad vr-  
bis vsque Lugdunensis prospectum complectitur: Alpinam, quæ Centrones vocatos,  
aliosq; Alpium incolas Viennensibus & Helueticis finitimos, atque à meridie Ten-  
dentēs, & Cespitellenses, Capillatos olim dictos; totamq; oram illam continet: quæ à  
Varo flumine per adiacentia iuga ad Liguriæ vsque subappenninæ planiciem extendit-  
ur. His subalpina succedit: quæ ad Alpium radices sita, quas veteres ad Herculis &  
Hannibalis transitu Graias, Peninas, & summas, recentiores nostri Cenisium, Diuicque  
Bernardi maiorem, minoremq; mōtem vocant; per Salassios & Taurinos, ac per nobil-  
lissimas Astæ Pompeiz, & Vercellarum ciuitates, Mediolanensium; atque per Vneliā,  
& Niciam, Genuensium, & Massiliensium fines attingit. Ex ijs Transalpina dicta ita se  
habet, vt pars ea, quæ Rhodanum, Lemaniumq; lacum spectat: in qua sibi Hæresiarche  
Babylonis sedem constituerunt, ferocissimis vndique gentibus cingatur: quarum ma-  
gna pars à Catholica fide dirempta, dissociataq; est. Quæ ita in ea, quam nomine po-  
netur, religione est instituta, vt nihil magis cogitet, & tentet, quā vnā cum finibus hæ-  
resum quoque pestem ampliare, eamq; per finitimas prouincias, ac præsertim per Ita-  
liam clandestinis concionibus, hæreticisque scriptis & libellis ex professo, & ac eluti  
ex insidijs sparjis, diffundere. Sed Deus, magnus ille Deus, fidelium suorum mētas,  
per principis nostri perperuas pro Catholica fide excubias tam nefariam cladē à cer-  
uicibus nostris hæcenus auertit, eademq; (vt speramus) miseratione commensuris  
præsertim (Pater Sanctissime) precibus & auxilijs in posterum auertet, imo vero  
omnes impiorum machinationes funditus euertet. Ex quibus facile intelligere licet,  
Principis nostri regnum, arcis munitissimæ instar esse, communisque propugnaculi, in  
quo partim aduersus Hæreticorum insidias, partim vero per Niciam Ligustici maris  
vrbe[m] opportunissimam cetera Turcarum conatus, pro Christiana religio, pro sacre  
huius Sedis auctoritate, & dignitate, pro tranquillitate Italiæ, pro Clero & Populo,  
pro parentibus, vxoribus, liberisque perpetua sit contentione dimicandā. Quibus sa-

ne nominibus præter veterem Sabaudie Principem in summos Pontif. obseruantia  
 promptamque & alacrem Car. Emmanuelis in S. V. voluntatem, locorum quoque  
 natura & situs postulat, vt ea peculiari quodam fauore & studio rerum suarum patro-  
 cinium suscipiat, diuiniq; animi iuuenem Principem poterno, quo cæpit, amore pro-  
 sequatur. Ipse verò interim Cathol. Principis, sacræq; huius sedis obseruantissimi &  
 obsequentissimi munere fungi cupiens, cum per rerum suarum statum non posset  
 huc, quod maxime cupiebat profectus, ad sacros eius pedes procumbere, præter Caro-  
 lum Mutum vnum ex Romanis proceribus, Septimi Marchionem, Oratorem suum  
 Illustrissimum apud te residentem, per Excellentissimum Principem Amedeum à Sa-  
 baudia Sacre Annuntiationis equitem Torquatam, Sanctiq; Ramberti Marchionem  
 fratrem suum sanguine & amore coniunctissimum, Sanctitati Vestre perpetuæ obedi-  
 tix officium studiosissime defert, & præstat. Insuper quantum ille opibus, copijs, ditio-  
 ne, ac cum summis Regibus affinitatis coniunctione potest, id omne in tuum, sacrique  
 huius ordinis decus libentissime conferet, vitam etiam pro ijs, vbi se se obtulerit oeca-  
 so alacriter profusus. Atque vt auspiciatissimo eius de S. V. iudicio & expectatione  
 oratione concludam, ille ita sibi (diuino fauente numine) breui futurum pollicetur, &  
 sperat, vt quemadmodum tres priores nostrorum sere temporum Pontificatus, sacri  
 Tridentini Concilij approbatione, Pij fœderis sanctione, naualiq; ad Naupactum præ-  
 lio, & victoria omnium memoria maxima & memoranda, Iaponensiumq; Regum, &  
 Populorum ad Christianam fidem conuersione celebres, illustresque fuerunt: ita tuus  
 hic, quem tibi nomine olim FELICI, nunc vero re ipsa foelicissimum esse augura-  
 mur, & cupimus, hæresum extirpatione, Provinciarum pacatione, pij fœderis in Tur-  
 cas renouatione, diuinique nominis, & cultus in extremas orbis terrarum partes, Syna-  
 rum, Aureæ Chersonesii, reliquarumq; Iaponensium insularum prolatione augustissi-  
 mus, gloriosissimusq; sis futurus. Deus interim bonorum omnium auctor & seruator,  
 votis hæc nostris propitius annuat. Tuq; SIXTE Pont. Max. qui Dei vice in terris  
 fungeris, omen hoc tibi, vniuersæq; Christi Ecclesie iustissimum, auspiciatissimumq;  
 à nobis accipito. DIXI.



RESPON.



RESPONSIO SVMMI PONTIFICIS  
N O M I N E  
AB ANTONIO BVCCAPADVLIO  
SECRETARIO FACTA.



**C**AROLI Emmanuelis Sabaudiae Ducis fratris tui, Illu-  
stris Orator, virtutem, animique magnitudinem admi-  
tus est Sanctissimus Dominus noster ex eo tempore, cum  
ille adolescens, pene potius puer res praeclarissimas, catho-  
licaq; Ecclesiae optatissimas aggressus, conatusq; est. Quo  
quidem conatu tria maxime est consecutus; magnam lau-  
dem; magnam expectationem; certam sempiternorum, in-  
estimabiliūque à Deo praeiorum spem. Tanta est enim Dei bonitas, vt rectam  
hominibus mentem immitat; vt exsuscitet animos; vt ad rem gerendam incēdat;  
vt bene gerendi rationem ostendat; vt viam muniat; vt conatus adiuuet; vt si  
quid grauius patiatur obsistere, suorum scilicet virtutis exercendae, atque illu-  
strandae causa; tamen ubi illi omnia fuerint periclitati, voluntatem pro re acci-  
piat; vt cum ipse denique det velle, & perficere pro bona voluntate; sua ipsius  
munera, atque in nos beneficia. ò miram bonitatem, perinde quasi nostra in se se  
officia amplectatur, remunereturque. His igitur nominibus gratulatur Duci Sā-  
ctissimus dominus noster, & praesentis gloriae fructum, & repositorem eius pie-  
tati à Deo praeiorum longe vberriam perennitatem: neque dubitat, quin ma-  
iores indices ex eius virtute fructus sit percepturus; sic enim postulat maiorum  
ipsius gloria, expectant boni, flagitant tempora; exigūt summa Dei in eum be-  
neficia, pollicetur optima ipsius natura, & pietas singularis. Quid enim sibi  
vult quid aliud loquitur legatio haec tam honorifica; tam vera superiorum Ducē  
Apostolicae potestatis cultus commemoratio? tam testificata Caroli ipsius  
sanctissimo Domino nostro obediendi professio? Sunt haec, ceteraque omnia, quae  
sunt de illius voluntate, studio, expectatione, prudenti, diserta, graui oratione  
explicata, magna atque illustria illius pietatis documenta. Quae quidem Sanctis-  
simus Dominus noster vnā cum his venerabilibus fratribus suis sanctae Roma-  
nae Ecclesiae Cardinalibus agnoscit, amplectiturque libentissime. Pollicetur Duci  
vicissim, desertque omnem caritatem, auctoritatem, operam, ad omnia, quae ad  
ipsius amplitudinem, & gloriam pertinebunt, precatur ei, filioque quo nuper est  
auctus, coniugique, & Regij generis maiestate, & heroicarum virtutum praestan-  
tia spectatissima, omnem felicitatem.